

Na osnovu člana 17. stav 2. i člana 72. Zakona o hrani ("Službeni glasnik BiH", broj 50/04) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Agencije za sigurnost hrane Bosne i Hercegovine, u saradnji s nadležnim organima entiteta i Brčko Distrikta Bosne i Hercegovine je na 157. sjednici, održanoj 7. novembra 2018. godine, donijelo je

PRAVILNIK O SISTEMIMA KVALITETA ZA PREHRAMBENE PROIZVODE

DIO PRVI - OPĆE ODREDBE

Član 1.

(Predmet)

- (1) Pravilnikom o sistemima kvaliteta za prehrambene proizvode (u dalnjem tekstu: Pravilnik) utvrđuju se sistemi kvaliteta za prehrambene proizvode, koji služe kao osnova za označavanje te, prema potrebi, zaštitu naziva i izraza, koji se posebno navode ili opisuju prehrambene proizvode s karakteristikama proizvoda s dodatom vrijednosti i/ili svojstvima s dodatom vrijednosti koje su posljedica metoda prerade koje se koriste prilikom njihove proizvodnje, ili mjesta njihove proizvodnje ili promocije.
- (2) Ovim pravilnikom propisuje se postupak zaštite oznaka porijekla i zaštite oznaka geografskog porijekla te postupak zaštite oznaka garantirano tradicionalnog specijaliteta prehrambenih proizvoda na teritoriji Bosne i Hercegovine, kao i postupak za podnošenje zahtjeva za registraciju i podnošenje prigovora za oznake porijekla, oznake geografskog porijekla i oznake garantirano tradicionalnog specijaliteta prehrambenih proizvoda na nivou Evropske unije.
- (3) Pravilnikom se utvrđuju mјere namijenjene pružanju podrške proizvodnim djelatnostima koje se povezuju s visokokvalitetnim proizvodima, čime doprinose ostvarivanju ciljeva politike ruralnog razvoja.

Član 2.

(Cilj)

Cilj ovog pravilnika je osiguranje poštene tržišne konkurenциje za proizvođače prehrambenih proizvoda s karakteristikama i obilježjima proizvoda s dodatom vrijednosti, omogućavanje dostupnosti pouzdanih informacija potrošačima vezanih za takve proizvode, poštivanje prava intelektualnog vlasništva, cijelovitost unutrašnjeg tržišta u smislu da proizvođači prehrambenih proizvoda obavještavaju kupce i potrošače o obilježjima i svojstvima proizvodnje i tih proizvoda.

Član 3.

(Oblast primjene)

- (1) Ovaj pravilnik odnosi se na prehrambene proizvode koji su namijenjeni ishrani ljudi i druge proizvode navedene u Aneksu I. ovog pravilnika.
- (2) Ovaj pravilnik ne primjenjuje se na jaka alkoholna pića, aromatizirana vina i kategorije proizvoda od vinove loze, sa izuzetkom vinskog sirčeta, koji su uređeni posebnim propisima.

Član 4.

(Definicije)

- (1) U svrhu ovog pravilnika primjenjuju se sljedeće definicije:
 - a) **sistemi kvaliteta** su sistemi definirani kao u Dijelu drugom poglavljima I. i II. ovog pravilnika;

- b) **grupa** je bilo koje udruživanje proizvođača ili preradivača istog prehrambenog proizvoda, bez obzira na njihov pravni oblik ili sastav;
- c) **tradicionalan** podrazumijeva dokazanu upotrebu na domaćem tržištu u periodu koji omogućava prijenos s generacije na generaciju a koji mora trajati naj kraće 30 godina;
- d) **označavanje** podrazumijeva svaku riječ, pojedinost, žig, robnu marku, slikovni prikaz ili znak koji se odnosi na prehrambeni proizvod i koji se nalazi na bilo kojem pakiranju, dokumentaciji, obavještenju, etiketi, obruču ili privjesku, koji prate ili se odnose na takav prehrambeni proizvod;
- e) **posebna karakteristika** u vezi s proizvodom označava posebna svojstva proizvodnje po kojima se proizvod jasno razlikuje od ostalih sličnih proizvoda iste kategorije;
- f) **generički nazivi** označavaju nazive proizvoda koji su, iako se odnose na mjesto, regiju ili državu u kojoj je proizvod prvo bitno proizveden ili stavljen na tržište, postali ubičajeni nazivi tih proizvoda u Bosni i Hercegovini;
- g) **faza proizvodnje** podrazumijeva proizvodnju, preradu ili izradu;
- h) **prerađeni proizvodi** su prehrambeni proizvodi koji nastaju prerađom neprerađenih proizvoda. Prerađeni proizvodi mogu sadržavati sastojke koji su potrebni za njihovu proizvodnju ili za davanje posebnih karakteristika;
- i) **homonimi** podrazumijevaju naziv dvije ili više regija ili mjesta porijekla prehrambenog proizvoda koji su jednaki ili gotovo jednaki u pisanoj ili govornoj formi;
- j) **registracija** je zaštita oznake porijekla ili oznake geografskog porijekla;
- k) **oznaka porijekla** je naziv kojim se označava proizvod:
 - 1) koji potiče iz određenog mesta ili regije;
 - 2) čiji kvalitet ili karakteristike u bitnom ili isključivo, nastaju pod uticajem posebnih prirodnih i ljudskih faktora odredene geografske sredine; i
 - 3) čije se sve faze proizvodnje odvijaju u određenom geografskom području.
- l) **oznaka geografskog porijekla** je naziv kojim se označava proizvod:
 - 1) koji potiče iz određenog mesta ili regije;
 - 2) čiji se kvalitet, ugled ili ostale karakteristike pripisuju njegovom geografskom porijeklu; i
 - 3) čija se najmanje jedna faza proizvodnje odvija u određenom geografskom području.
- (2) Nezavisno od tačke k) iz stava (1) ovog člana, određeni nazivi smatraju se oznakama porijekla iako sirovine za dotične proizvode dolaze iz geografskog područja koje je veće ili različito od definiranog geografskog područja pod uslovom da:
 - a) je područje proizvodnje sirovina definirano;
 - b) postoje posebni uslovi za proizvodnju sirovina;
 - c) postoje sistemi kontrole koji osiguravaju ispunjavanje uslova iz tačke b).
- (3) Samo žive životinje, meso i mlijeko mogu se smatrati sirovinama iz stava (2) ovog člana.

DIO DRUGI - ЗАШТИТА ОЗНАКА**Poglavlje I.****ЗАШТИЋЕНА ОЗНАКА ПОРИЈЕКЛА И ЗАШТИЋЕНА
ОЗНАКА ГЕОГРАФСКОГ ПОРИЈЕКЛА
ПРЕХРАМБЕНИХ ПРОИЗВОДА****Član 5.**

(Систем заштиćenih oznaka porijekla i oznaka geografskog porijekla)

Sistem zaštićenih oznaka porijekla i zaštićenih oznaka geografskog porijekla uspostavlja se za pružanje pomoći proizvođačima proizvoda vezanih za geografska područja s ciljem osiguranja:

- a) pravednog povrata za kvalitet njihovih proizvoda,
- b) ujednačene zaštite naziva kao prava intelektualnog vlasništva na teritoriji Bosne i Hercegovine,
- c) jasne informacije potrošačima o svojstvima proizvoda s dodatom vrijednosti.

Član 6.

(Kriteriji za registraciju)

- (1) Generički nazivi ne mogu se registrirati kao zaštićene oznake porijekla ili zaštićene oznake geografskog porijekla.
- (2) Naziv se ne može registrirati kao oznaka porijekla ili oznaka geografskog porijekla ako je u suprotnosti s nazivom biljne sorte ili životinjske pasmine, što bi potrošača moglo dovesti u zabludu o pravom porijeklu proizvoda.
- (3) Naziv čija se registracija predlaže koji je u potpunosti ili djelimično homonom s nazivom već upisanim u registar iz člana 21. ovog pravilnika ne može se registrirati, osim ako nema dovoljno razlike u praksi između uslova za lokalnu i tradicionalnu upotrebu i prezentacije naknadno registriranog homonima i naziva već upisanog u registar, uvažavajući potrebu da se jednako postupa prema proizvođačima, te da se potrošači ne dovode u zabludu.
- (4) Naziv koji je homonim i koji pogrešno upućuje potrošača da proizvodi dolaze iz nekog drugog područja, čak iako je takav naziv tačan u odnosu na stvarno područje, regiju ili mjesto porijekla tih proizvoda neće se registrirati.
- (5) Naziv koji se predlaže za registraciju kao oznaka porijekla ili oznaka geografskog porijekla ne treba registrirati ako takva registracija naziva predloženog kao oznaka porijekla ili oznaka geografskog porijekla zbog ugleda, priznatosti i dužine upotrebe žiga, može dovesti potrošača u zabludu o pravom identitetu proizvoda.

Član 7.

(Specifikacija proizvoda)

Da bi mogao dobiti oznaku porijekla ili oznaku geografskog porijekla, prehrambeni proizvod mora biti u skladu sa specifikacijom proizvoda (u dalnjem tekstu: specifikacija), koja uključuje:

- a) naziv koji se zaštićuje kao oznaka porijekla ili oznaka geografskog porijekla, kako se koristi u trgovini ili svakodnevnom govoru, te samo na jezicima koji su u službenoj upotrebi u Bosni i Hercegovini ili su kroz historiju korišteni za opis određenog proizvoda u određenom geografskom području;
- b) opis prehrambenog proizvoda uključujući, ako je primjerno, sirovine te glavna fizikalna, hemijska, mikrobiološka i organoleptička svojstva prehrambenog proizvoda;
- c) definiciju geografskog područja, ograničenog u pogledu veze iz tačke f) alineja 1) ili 2) ovog člana, te ako je prikladno detalje koji pokazuju usklađenost sa zahtjevima iz člana 4. st. (2) i (3);

- d) dokaz da proizvod potiče iz određenog geografskog područja iz člana 4. tačka k) ovog pravilnika;
- e) opis metode dobivanja proizvoda i, ako je primjeren, autentične i nepromjenjive lokalne metode kao i podatke o pakiranju ako grupa koja podnosi zahtjev tako odluci i navede razloge zbog kojih se pakiranje mora obaviti na određenom geografskom području kako bi se sačuvao kvalitet ili osigurala originalnost ili kontrola;
- f) detalje koji uspostavljaju sljedeće:
 - 1) vezu između kvaliteta ili karakteristika proizvoda i geografskog okruženja iz člana 4. tačka k); ili
 - 2) prema potrebi, vezu između specifičnog kvaliteta, ugleda ili neke druge karakteristike prehrambenog proizvoda i geografskog porijekla iz člana 4. tačka l);
- g) naziv i adresu organa ili, ako je dostupno, naziv i adresu organa koji provjeravaju usklađenost s odredbama specifikacije u skladu s članom 42. i njihove specifične zadatke;
- h) bilo koja od specifičnih pravila označavanja prehrambenog proizvoda.

Član 8.

(Postupak za registraciju oznake porijekla i oznake geografskog porijekla)

- (1) Postupak za registraciju oznake porijekla i oznake geografskog porijekla prehrambenog proizvoda pokreće se zahtjevom koji se podnosi Agenciji za sigurnost hrane Bosne i Hercegovine (u dalnjem tekstu: Agencija).
- (2) Postupak iz stava (1) ovog člana provodi Komisija za registraciju oznaka porijekla i oznaka geografskog porijekla prehrambenih proizvoda u Bosni i Hercegovini (u dalnjem tekstu: Komisija) koju imenuje Vijeće ministara Bosne i Hercegovine, na prijedlog Agencije, u saradnji s nadležnim organima entiteta i Brčko distrikta Bosne i Hercegovine.
- (3) Članovi Komisije su predstavnici: Agencije, Ministarstva vanjske trgovine i ekonomskih odnosa Bosne i Hercegovine, Ministarstva poljoprivrede, šumarstva i vodoprivrede Republike Srpske, Federalnog ministarstva poljoprivrede, vodoprivrede i šumarstva, Odjela za poljoprivredu, šumarstvo i vodoprivredu Brčko distrikta Bosne i Hercegovine, Ministarstva trgovine i turizma Republike Srpske i Federalnog ministarstvo trgovine od kojih je najmanje jedan prehrambeni teholog, jedan agronom i jedan pravnik.
- (4) Predsjednik Komisije iz stava (2) ovog člana je predstavnik Agencije.

Član 9.

(Poslovi Komisije)

Komisija iz člana 8. stav (2) ovog pravilnika obavlja sljedeće poslove:

- a) razmatra zahteve za registraciju oznake porijekla, odnosno oznake geografskog porijekla prehrambenog proizvoda i predlaže Agenciji donošenje rješenja o registraciji oznake;
- b) razmatra pristigne prigovore;
- c) predlaže dopunu zahtjeva za registraciju oznake porijekla, odnosno oznake geografskog porijekla;
- d) razmatra zahteve za naknadnu izmjenu i dopunu specifikacije prehrambenog proizvoda;
- e) razmatra zahteve za pravo upotrebe registrirane oznake porijekla, odnosno geografskog porijekla.

Član 10.

- (Podnositac zahtjeva za registraciju oznake porijekla i oznake geografskog porijekla)
- (1) Zahtjev za registraciju oznake porijekla ili oznake geografskog porijekla (u dalnjem tekstu: zahtjev za registraciju) za pojedini prehrambeni proizvod podnosi zainteresirana grupa.
 - (2) Izuzetno, pojedini proizvođač i/ili preradivač, nezavisno od toga da li je fizičko ili pravno lice, može podnijeti zahtjev za registraciju iz stava (1) samo ako:
 - a) je u vrijeme podnošenja tog zahtjeva jedini proizvođač, odnosno preradivač prehrambenog proizvoda za koji je spremjan podnijeti zahtjev za registraciju oznake porijekla ili oznake geografskog porijekla u određenom geografskom području;
 - b) određeno geografsko područje ima karakteristike koje se znatno razlikuju od svojstava proizvoda proizvedenih u susjednim područjima.
 - (3) U slučaju iz stava (2) ovog člana pojedino fizičko ili pravno lice koje je podnijelo zahtjev za registraciju oznake predstavlja grupu u smislu člana 4. stav (1) tačka b) ovog pravilnika.
 - (4) Podnositac zahtjeva iz st. (1) i (2) ovog člana može podnijeti zahtjev za registraciju samo za prehrambene proizvode koje proizvodi ili preradije.
 - (5) Podnositac zahtjeva iz st. (1) i (2) ovog člana, nakon što registrira određeni prehrambeni proizvod u Bosni i Hercegovini, u skladu s ovim pravilnikom, može podnijeti zahtjev za registraciju oznake porijekla i oznake geografskog porijekla na nivou Evropske unije.
 - (6) Zahtjev iz stava (5) ovog člana šalje se Evropskoj komisiji putem Agencije.

Član 11.

(Zahtjev za registraciju)

- (1) Podnositac zahtjeva za registraciju oznake porijekla i oznake geografskog porijekla prehrambenih proizvoda potrebno je da Agenciji dostavi:
 - a) popunjeno obrazac zahtjeva za registraciju iz Aneksa II. ovog pravilnika;
 - b) kopiju dokaza za registraciju grupe;
 - c) izjavu nadležnog tijela grupe o usvojenoj odluci o zaštiti oznake porijekla i oznake geografskog porijekla prehrambenog proizvoda;
 - d) punomoć (ako grupu zastupa ovlašteni zastupnik ili opunomoćenik, ovjerenu kod notara);
 - e) specifikaciju proizvoda u skladu s članom 7. ovog pravilnika;
 - f) popunjeno obrazac jedinstvenog dokumenta iz Aneksa III. ovog pravilnika;
 - g) potvrdu tijela za ocjenjivanje usaglašenosti da se može izvršiti certifikacija;
 - h) naziv i adresu grupe koja podnosi zahtjev i tijela, ako je dostupna, koja provjeravaju uskladenost s odredbama specifikacije proizvoda.
- (2) Zahtjev za registraciju s dokumentacijom iz stava (1) ovog člana dostavlja se Agenciji poštom i elektronskim putem.

Član 12.

(Postupak po prijemu zahtjeva za registraciju)

- (1) Po prijemu zahtjeva iz člana 11. ovog pravilnika, Agencija pregleda zahtjev s formalno-pravnog stanovišta.
- (2) Ako je zahtjev formalno nepotpun, Agencija traži otklanjanje nedostataka i dopunu zahtjeva od njegovog podnositca u roku od 30 dana.

- (3) Po prijemu potpunog zahtjeva iz člana 11. ovog pravilnika, Agencija zahtjev upućuje Komisiji koja provodi njegovu stručnu provjeru.
- (4) Rok za provjeru zahtjeva iz stava (3) ovog člana je šest mjeseci od datuma podnošenja zahtjeva prema Agenciji.
- (5) Ako je potrebno, Komisija od podnositca zahtjeva može tražiti pojašnjenje elemenata iz specifikacije kao i naložiti dopunu specifikacije od podnositca zahtjeva u roku od 30 dana.
- (6) Izuzetno od st. (2) i (5) ovog člana, rok se produžava na zahtjev podnositca zahtjeva za najviše dva mjeseca.
- (7) Ako podnositac zahtjeva ne dopuni zahtjev u propisanom roku, Agencija će, na prijedlog Komisije, rješenjem zahtjev odbaciti.
- (8) Ako su ispunjeni svi uslovi propisani ovim pravilnikom, Agencija, na prijedlog Komisije, prihvata zahtjev za registraciju.
- (9) Obavještenje o zahtjevu objavljuje se u "Službenom glasniku BiH", a specifikacija na veb-stranici Agencije.

Član 13.

(Podnošenje prigovora)

- (1) Obrazloženi prigovor na objavljeni zahtjev za registraciju oznake porijekla, odnosno oznake geografskog porijekla prehrambenog proizvoda može se podnijeti u roku od dva mjeseca računajući od dana objavljivanja sadržaja zahtjeva u "Službenom glasniku BiH".
- (2) Prigovor, u roku iz stava (1) ovog člana, može se podnijeti ako:
 - a) zahtjev za registraciju nije u skladu s odredbama člana 4. stav (1) tač. k) i l) i st. (2) i (3) i člana 48. ovog pravilnika, ili
 - b) bi predložena registracija oznake ugrozila postojanje potpuno ili djelimično identične oznake ili žiga ili postojanje proizvoda koji se nalaze na tržištu najmanje pet godina prije dana objavljivanja zahtjeva u "Službenom glasniku BiH" u skladu s članom 12. stav (9) ovog pravilnika, ili
 - c) je oznaka, za čiju je registraciju podnesen zahtjev, po svojoj prirodi generička, o čemu podnositac mora dostaviti potrebne dokaze.
- (3) Prigovor iz stava (1) ovog člana podnosi se na obrascu izjave o prigovoru iz Aneksa IV. ovog pravilnika.
- (4) Rok za podnošenje prigovora iz stava (1) ovog člana ne može se produžavati.

Član 14.

(Postupak po prigovoru)

- (1) Komisija iz člana 8. stav (2) ovog pravilnika rješava o prigovoru.
- (2) Ako Komisija utvrdi da prigovor ne ispunjava formalne uslove propisane članom 13. ovog pravilnika, prigovor se zaključkom odbacuje o čemu se obavještava podnositac zahtjeva i podnositac prigovora, te se postupak za registraciju nastavlja.
- (3) Ako prigovor ispunjava formalne uslove iz člana 13. ovog pravilnika, Komisija dostavlja prigovor s priloženim dokazima podnositoci zahtjeva za registraciju i poziva ga da u roku od 30 dana dostavi pisano izjašnjenje o prigovoru.
- (4) Rok za izjašnjevanje na prigovor može se, na zahtjev podnositoca zahtjeva za registraciju, iz opravdanih razloga produžiti za još najviše 30 dana.
- (5) Ako podnositac zahtjeva za registraciju u propisanom roku ne dostavi izjašnjevanje na prigovor, donosi se rješenje o odbijanju zahtjeva za registraciju.

Član 15.

(Ispitivanje osnovanosti prigovora)

- (1) Ako se podnositelj zahtjeva za registraciju izjasni na podneseni prigovor, Komisija ispituje osnovanost prigovora u pogledu razloga zbog kojih je podnesen.
- (2) Agencija rješenjem odbija zahtjev za registraciju oznake, ako Komisija utvrdi da je prigovor osnovan i o tome obavještava podnositelja zahtjeva za registraciju i podnositelja prigovora.
- (3) Agencija rješenjem odbija prigovor ako Komisija utvrdi da je prigovor neosnovan i o tome obavještava podnositelja zahtjeva za registraciju i podnositelja prigovora.
- (4) U svrhu razmatranja prigovora, Komisija može zatražiti konsultacije s podnositeljem zahtjeva i podnositeljem prigovora (u dalnjem tekstu: zainteresirane strane) radi postizanja sporazuma.
- (5) Ako zainteresirane strane postignu sporazum u roku od tri mjeseca od dana pozivanja na konsultacije, dostavljaju Komisiji obavještenje o završetku savjetovanja nakon postupka prigovora iz Aneksa V. ovog pravilnika o svim faktorima koji su omogućili da sporazum bude postignut uključujući i njihova mišljenja.
- (6) Ako postignuti sporazum zainteresiranih strana iz stava (5) ovog člana ne mijenja ili nebitno mijenja sadržaj obavještenja o zaprimljenom zahtjevu iz člana 12. Pravilnika, Komisija nastavlja postupak registracije.

Član 16.

(Okončanje postupka i upis u registar)

- (1) Na osnovu provedenog postupka za registraciju i prijedloga Komisije, Agencija donosi rješenje o registraciji oznake porijekla, odnosno oznake geografskog porijekla prehrambenog proizvoda (u dalnjem tekstu: rješenje o registraciji).
- (2) Danom pravosnažnosti rješenja o registraciji oznaka se upisuje u odgovarajući registar, a svaki pojedini član udrženja koji je proizvođač, odnosno prerađivač prehrambenog proizvoda s registriranom oznakom upisuje se u odgovarajući registar.
- (3) Registrirana oznaka porijekla, odnosno oznaka geografskog porijekla objavljuje se u "Službenom glasniku BiH" i na web-stranici Agencije.

Član 17.

(Nazivi, znakovi i oznake)

- (1) Zaštićene oznake porijekla i zaštićene oznake geografskog porijekla može koristiti svaki privredni subjekat koji stavlja na tržište proizvod proizveden u skladu s odgovarajućom specifikacijom.
- (2) Pravilnikom o izgledu i načinu korištenja znaka oznake originalnosti, oznake geografskog porijekla i oznake tradicionalnog ugleda hrane ("Službeni glasnik BiH", broj 81/12) propisuje se izgled i način korištenja znaka oznake originalnosti, oznake geografskog porijekla i oznake tradicionalnog ugleda prehrambenog proizvoda, te način izdavanja znaka.

Član 18.

(Izmjene specifikacije)

- (1) Zahtjev za odobrenje izmjene specifikacije može podnijeti grupa s legitimnim interesom.
- (2) Zahtjevi za odobrenje veće izmjene specifikacije proizvoda za zaštićene oznake porijekla i zaštićene oznake geografskog porijekla sastavljaju se u skladu s obrascem iz Aneksa VI. u skladu sa zahtjevima iz člana 11. ovog pravilnika.
- (3) Izmjenjeni jedinstveni dokument sastavlja se u skladu s obrascem iz Aneksa III. ovog pravilnika.

- (4) Ako predložene veće izmjene specifikacije uključuju jednu ili više izmjena, provodi se postupak utvrđen čl. 10, 11, 12, 13, 14. i 15. ovog pravilnika.
- (5) Zahtjev za odobrenje manje izmjene sastavlja se u skladu s obrascem iz Aneksa VII. ovog pravilnika.

- (6) Da bi se izmjena smatrala manjom, u slučaju sistema kvaliteta zaštite oznaka porijekla i zaštite oznake geografskog porijekla treba da:
 - a) se ne odnosi na ključna obilježja proizvoda;
 - b) ne mijenja vezu iz alineja 1) ili 2) tačke f) člana 7. ovog pravilnika;
 - c) ne uključuje promjenu naziva ili bilo kojeg dijela naziva proizvoda;
 - d) ne utiče na određeno geografsko područje;
 - e) ne predstavlja povećanje ograničenja u trgovanim proizvodom ili njegovim sirovinama.
- (7) Ako su predložene izmjene manje, Komisija odobrava ili odbija zahtjev, bez provođenja postupka iz stava (4) ovog člana.

- (8) Zahtjevima za odobrenje manje izmjene koja se odnosi na zaštićenu oznaku porijekla ili zaštićenu oznaku geografskog porijekla prilaže se ažurirani jedinstveni dokument, ako je izmijenjen, koji se sastavlja u skladu s obrascem iz Aneksa VII.
- (9) Upućivanje na objavu specifikacije proizvoda koje se navodi u izmijenjenom jedinstvenom dokumentu vodi na ažuriranu verziju predložene specifikacije proizvoda.

- (10) Izmjena specifikacije objavljuje se u "Službenom glasniku BiH" i na web-stranici Agencije.

Član 19.

(Zaštita oznake)

- (1) Registrirana oznaka porijekla i oznaka geografskog porijekla štite se od:
 - a) bilo kakve direktne ili indirektnе komercijalne upotrebe registrirane oznake za proizvode koji nisu obuhvaćeni registracijom, kao i onih proizvoda sličnih proizvodima registriranim pod tom oznakom ili u onoj mjeri u kojoj korištenje oznake iskorištava ugled zaštićene oznake, uključujući kada se ti proizvodi koriste kao sastojak;
 - b) bilo kakve zloupotrebe, imitacije ili podsjećanja, čak i ako je naznačeno istinito geografsko porijeklo proizvoda ili usluga, ili ako je naziv proizvoda preveden, ili ako se zaštićenoj oznaci dodaju riječi: "stil", "tip", "način", "po postupku", "metoda", "kao što se proizvodi u", "imitacija" ili slično, uključujući slučajeve kada se ti proizvodi koriste kao sastojak;
 - c) bilo kakve lažne informacije koje mogu dovesti u zabludu potrošača u odnosu na pravo porijeklo, prirodu ili suštinski kvalitet prehrambenog proizvoda, istaknute na unutrašnjoj ili vanjskoj ambalaži, materijalu ili dokumentu koji se odnosi na proizvod i pakovanje proizvoda u kontejner, koji bi stvorio pogrešan utisak o porijeklu proizvoda;
 - d) bilo kojeg drugog postupka koji može dovesti u zabludu potrošača u odnosu na pravo porijeklo prehrambenog proizvoda.
- (2) Kada zaštićena oznaka porijekla ili zaštićena oznaka geografskog porijekla sadrži u sebi naziv proizvoda koji se smatra generičkim, korištenje toga generičkog naziva ne smatra se suprotnim tač. a) ili b) stava (1) ovog člana.
- (3) Zaštićene oznake porijekla i zaštićene oznake geografskog porijekla ne mogu postati generičke.
- (4) Nije dozvoljena upotreba naziva uporedivih prehrambenih proizvoda koji su zaštićeni oznakama porijekla i oznakama geografskog porijekla hrane u zemljama Evropske unije i

- drugim zemljama a nisu u skladu s proizvodačkom specifikacijom tih proizvoda.
- (5) Odbit će se zahtjev za registraciju oznake porijekla i oznake geografskog porijekla prehrambenih proizvoda čija upotreba odgovara situacijama navedenim u stavu (4) ovog člana.

Član 20.

(Odnos između žigova, oznaka porijekla i oznaka geografskog porijekla)

- (1) Kada se oznaka porijekla ili oznaka geografskog porijekla registrira u skladu s ovim pravilnikom, registracija žiga čija bi upotreba bila u suprotnosti s članom 19. stav (1) ovog pravilnika i koji se odnosi na isti tip proizvoda odbija se, ako je zahtjev za registraciju žiga podnesen nakon datuma podnošenja Agencije zahtjeva za registraciju u vezi sa oznakom porijekla ili oznakom geografskog porijekla.
- (2) Žigovi koji su registrirani u suprotnosti sa stavom (1) ovog člana proglašavaju se nevažećim.
- (3) Odredbe st. (1) i (2) ovog člana primjenjuju se nezavisno od odredbi Zakona o žigu ("Službeni glasnik BiH", broj 53/10).

Član 21.

(Sadržaj Registra oznaka)

- (1) U Registar se upisuju sljedeći podaci:
- registarski broj oznake porijekla, odnosno oznake geografskog porijekla prehrambenog proizvoda;
 - naziv prehrambenog proizvoda koji se štiti oznakom porijekla, odnosno geografskog porijekla;
 - kategorija prehrambenog proizvoda utvrđena Aneksom I. ovog pravilnika, te potkategorija prehrambenog proizvoda koji se štiti oznakom porijekla, odnosno oznakom geografskog porijekla;
 - podaci o podnosiocu zahtjeva, odnosno udruženju (naziv udruženja, adresa i zemlja);
 - izgled (oblik) oznake porijekla, odnosno oznake geografskog porijekla, ako je podnositelj zahtjeva ima;
 - datum podnošenja zahtjeva;
 - datum objavljivanja zahtjeva u "Službenom glasniku BiH";
 - prigovor, ako je podnesen (broj, datum, podaci o podnosiocu);
 - datum donošenja rješenja o registraciji oznake i upisa u Registar te broj rješenja;
 - datum objavljivanja registrirane oznake u "Službenom glasniku BiH";
 - naziv i adresa tijela za ocjenjivanje usaglašenosti koje obavlja kontrolu.
- (2) Registar je javan.
- (3) Zainteresirano lice može od Agencije zatražiti izvod iz Registra.

Član 22.

(Pravo upotrebe registriranih oznaka)

Pravo upotrebe registriranih oznaka porijekla ili oznaka geografskog porijekla pripada svim proizvodačima i/ili preradivačima prehrambenog proizvoda, dok zadovoljavaju uslove odredene ovim pravilnikom.

Član 23.

(Postupak upisa korisnika registriranih oznaka)

- (1) Postupak za upis novih korisnika registrirane oznake porijekla ili oznake geografskog porijekla pokreće se podnošenjem zahtjeva Agenciji za pravo upotrebe registrirane oznake porijekla, odnosno oznake geografskog porijekla.
- (2) Zahtjev za pravo upotrebe sadrži:

- registarski broj oznake porijekla, odnosno geografskog porijekla prehrambenog proizvoda;
 - naziv oznake porijekla ili oznake geografskog porijekla;
 - podatke o podnosiocu zahtjeva (ime i prezime, odnosno naziv pravnog ili fizičkog lica, punu adresu, odnosno sjedište te njihov matični broj, a u slučaju udruženja, također pravni status udruženja);
 - naziv tijela za ocjenjivanje usaglašenosti iz člana 42. ovog pravilnika koje je podnositelj zahtjeva izabrao za utvrđivanje usaglašenosti i kontrolu, te pisani saglasnost tog tijela o njegovom prihvatanju;
 - potvrdu o usaglašenosti;
 - specifikaciju prehrambenog proizvoda u skladu s članom 7. ovog pravilnika;
 - punomoć, ako podnosioca zastupa ovlašteni zastupnik ili opunomoćenik;
 - potpis podnosioca zahtjeva, zastupnika odnosno opunomoćenika.
- (3) Na osnovu pozitivnog mišljenja Komisije, Agencija donosi rješenje o pravu upotrebe registrirane oznake porijekla, odnosno registrirane oznake geografskog porijekla.
- (4) Danom pravosnažnosti rješenja o pravu upotrebe registrirane oznake porijekla, odnosno registrirane oznake geografskog porijekla prehrambenog proizvoda novi korisnik upisuje se u odgovarajući registar.

Poglavlje II.

GARANTIRANO TRADICIONALNI SPECIJALITETI

Član 24.

(Sistem za garantirano tradicionalne specijalitete)

Sistem za garantirano tradicionalne specijalitete uspostavlja se kako bi sačuvao tradicionalne metode proizvodnje i recepte pružajući pomoć proizvodačima tradicionalnog proizvoda prilikom stavljanja na tržište i obavještavanja potrošača o svojstvima koja dodaju vrijednost njihovim tradicionalnim receptima i proizvodima.

Član 25.

(Kriteriji za registraciju)

- Naziv je prihvatljiv za registraciju kao garantirano tradicionalni specijalitet kada opisuje specifičan proizvod ili prehrambeni proizvod u smislu načina proizvodnje, prerade ili sastava odgovarajućeg tradicionalnog postupka za taj proizvod ili prehrambeni proizvod ili se proizvodi od sirovina ili sastojaka koji se tradicionalno koriste.
- Naziv za registraciju kao garantirano tradicionalni specijalitet mora biti tradicionalno koršten za označavanje specifičnog proizvoda ili opisivati tradicionalna svojstva ili specifična svojstva proizvoda.
- Naziv se ne može registrirati ako se odnosi samo na općenite tvrdnje koje se upotrebljavaju za određene proizvode ili tvrdnje u skladu s posebnim propisima u Bosni i Hercegovini.

Član 26.

(Specifikacija proizvoda)

- Garantirano tradicionalni specijalitet mora biti u skladu sa specifikacijom proizvoda koja uključuje:
 - naziv koji se predlaže za registraciju na jezicima u službenoj upotrebni u Bosni i Hercegovini;
 - opis proizvoda uključujući njegova glavna fizikalna, hemijska, mikrobiološka i organoleptička svojstva, koja dokazuju njegov specifičan karakter potreban za identifikaciju proizvoda;
 - opis metode proizvodnje koju proizvodač mora slijediti, uključujući, tamo gdje je to prikladno, priro-

- du i svojstva upotrijebljenih sirovina ili sastojaka i metodu pripreme proizvoda;
- d) ključne elemente koji određuju tradicionalna svojstva proizvoda.
- (2) Specifikacija proizvoda sa oznakom garantirano tradicionalnog specijaliteta sadržava informacije propisane Aneksom IX. ovog pravilnika.

Član 27.

(Posebna pravila za opis proizvoda i metode proizvodnje)

- (1) U opisu proizvoda navode se samo svojstva potrebna za identifikaciju proizvoda i njegovih specifičnih svojstava.
- (2) U opisu proizvoda ne ponavljaju se opće obaveze, posebno ne tehničke karakteristike svojstvene svim proizvodima tog tipa ni pripadajući obavezni pravni zahtjevi.
- (3) Opis metode proizvodnje kao i tradicionalni postupci navode se samo ako se trenutno, odnosno još uвijek primjenjuju.
- (4) Opisuje se samo metoda koja je potrebna za dobivanje posebnog proizvoda, na način koji omogуава reprodukciju proizvoda bilo gdje.
- (5) Ključni elementi koji dokazuju tradicionalni karakter proizvoda uključuju glavne elemente koji su ostali nepromijenjeni s preciznim i dobro utemeljenim upućivanjima.

Član 28.

(Postupak za priznavanje posebnih svojstava i dodjelu oznake)

- (1) Postupak za priznavanje posebnih svojstava i dodjelu oznake pokreće sa zahtjevom za registraciju koji se podnosi Agenciji.
- (2) Postupak iz stava (1) ovog člana provodi Komisija za dodjelu oznake garantirano tradicionalnog specijaliteta (u dalnjem tekstu: Komisija) koju imenuje Vijeće ministara Bosne i Hercegovine, na prijedlog Agencije, u saradnji s nadležnim organima entiteta i Brčko distrikta Bosne i Hercegovine.
- (3) Članovi Komisije su predstavnici: Agencije, Ministarstva vanjske trgovine i ekonomskih odnosa Bosne i Hercegovine, Ministarstva poljoprivrede, šumarstva i vodoprivrede Republike Srpske, Federalnog ministarstva poljoprivrede, vodoprivrede i šumarstva, Odjela za poljoprivredu, šumarstvo i vodoprivredu Brčko distrikta Bosne i Hercegovine, Ministarstva trgovine i turizma Republike Srpske i Federalnog ministarstva trgovine od kojih je najmanje jedan prehrambeni tehnolog, jedan agronom i jedan pravnik.
- (4) Predsjednik Komisije iz stava (2) ovog člana je predstavnik Agencije.

Član 29.

(Poslovi Komisije)

Komisija iz člana 28. stav (2) ovog pravilnika obavlja sljedeće poslove:

- razmatra zahtjeve za registraciju oznake garantirano tradicionalnog specijaliteta i predlaže Agenciji donošenje rješenja o registraciji oznake;
- razmatra pristigle prigovore;
- predlaže dopunu zahtjeva za registraciju oznake garantirano tradicionalnog specijaliteta;
- razmatra zahtjeve za naknadnu izmjenu i dopunu specifikacije;
- razmatra zahtjeve za pravo upotrebe registrirane oznake garantirano tradicionalnog specijaliteta.

Član 30.

(Podnositac zahtjeva za registraciju oznake garantirano tradicionalnog specijaliteta)

- (1) Zahtjev za registraciju oznake garantirano tradicionalnog specijaliteta (u dalnjem tekstu: zahtjev za registraciju) za

pojedini prehrambeni proizvod podnosi zainteresiranu grupu.

- (2) Izuzetno, pojedini proizvodač i/ili preradivač, nezavisno od toga da li je fizičko ili pravno lice, može podnijeti zahtjev za registraciju iz stava (1) ovog člana samo ako je u vrijeme podnošenja tog zahtjeva jedini proizvodač, odnosno preradivač prehrambenog proizvoda za koji je spremан podnijeti zahtjev za registraciju oznake garantirano tradicionalnog specijaliteta.
- (3) U slučaju iz stava (2) ovog člana pojedino fizičko ili pravno lice koje je podnijelo zahtjev za registraciju oznake predstavlja grupu u smislu člana 4. stav (1) tačka b) ovog pravilnika.
- (4) Podnositac zahtjeva iz st. (1) i (2) ovog člana može podnijeti zahtjev za registraciju samo za prehrambene proizvode koje proizvodi ili prerađuje.
- (5) Podnositoci zahtjeva iz st. (1) i (2) ovog člana, nakon što registriraju određeni prehrambeni proizvod u Bosni i Hercegovini, u skladu s ovim pravilnikom, mogu podnijeti zahtjev za registraciju oznake garantirano tradicionalnog specijaliteta na nivou Evropske unije.
- (6) Zahtjev iz stava (5) ovog člana šalje se Evropskoj komisiji posredstvom Agencije.

Član 31.

(Zahtjev za registraciju garantirano tradicionalnog specijaliteta)

- (1) Podnositac zahtjeva za registraciju naziva kao garantirano tradicionalnog specijaliteta (u dalnjem tekstu: zahtjev za registraciju) potrebno je da Agenciji dostavi:
- popunjeno obrazac zahtjeva za registraciju naziva iz Aneksa X. ovog pravilnika;
 - kopiju dokaza o registraciji grupe;
 - izjavu nadležnog tijela grupe o usvojenoj odluci o zaštiti naziva prehrambenog proizvoda kao garantirano tradicionalnog specijaliteta;
 - punomoć (ako grupu zastupa ovlašteni zastupnik ili opunomoćenik), ovjerenu kod notara;
 - specifikaciju proizvoda u skladu s članom 26. ovog pravilnika i popunjeno obrazac iz Aneksa IX. ovog pravilnika;
 - potvrdu tijela za ocjenjivanje usaglašenosti da se može vršiti certifikacija.
- (2) Zahtjev za registraciju s dokumentacijom iz stava (1) ovog člana dostavlja se Agenciji poшtom i elektronskim putem.

Član 32.

(Postupak po prijemu zahtjeva za registraciju)

- (1) Po prijemu zahtjeva iz člana 31. ovog pravilnika, Agencija pregleda zahtjev s formalno-pravnog stanovišta.
- (2) Ako je zahtjev formalno nepotpun, Agencija traži otklanjanje nedostataka i dopunu zahtjeva od podnositoca zahtjeva u roku od 30 dana.
- (3) Po prijemu potpunog zahtjeva iz člana 31. ovog pravilnika, Agencija upućuje zahtjev Komisiji koja obavlja njegovu stručnu provjeru.
- (4) Rok za provjeru zahtjeva iz stava (3) ovog člana je šest mjeseci od datuma podnošenja zahtjeva Agenciji.
- (5) Ako je potrebno, Komisija od podnositoca zahtjeva može tražiti pojašnjenje elemenata iz specifikacije kao i naložiti dopunu specifikacije od podnositoca zahtjeva u roku od 30 dana.
- (6) Izuzetno od st. (2) i (5) ovog člana, rok se produžava na zahtjev podnositoca zahtjeva za najviše dva mjeseca.
- (7) Ako podnositac ne dopuni zahtjev u propisanom roku, na prijedlog Komisije, Agencija će rješenjem zahtjev odbaciti.

- (8) Ako su ispunjeni svи uslovi propisani ovim pravilnikom, Agencija, na prijedlog Komisije, prihvata zahtjev za registraciju.
 (9) Obavještenje o zahtjevu objavljuje se u "Službenom glasniku BiH", a specifikacija na web-stranici Agencije.

Član 33.

(Prigovor)

- (1) Svako fizičko ili pravno lice s legitimnim interesom može podnijeti prigovor na objavljeni zahtjev za registraciju oznake u roku od dva mjeseca računajući od dana objavljivanja sadržaja zahtjeva u "Službenom glasniku BiH".
 (2) Uz prigovor iz stava (1) ovog člana prilaže se dokazi o razlozima prigovora. Komisija provjerava da li izjava sadrži razloge i opravdanje za prigovor.
 (3) Prigovor je dopušten samo ako ga je Komisija primila u roku iz stava (1) ovog člana, i to ako:
 a) osporavani zahtjev nije u skladu sa uslovima koji se navode u čl. 4, 25. i 41. ovog pravilnika, ili
 b) dokaže da je korištenje naziva zakonito, poznato i ekonomski značajno za slične prehrambene proizvode.
 (4) Izjava o prigovoru mora biti sastavljena u skladu s obrascem Aneksa IV. ovog pravilnika.
 (5) Rok za podnošenje prigovora iz stava (1) ovog člana ne može se produžavati.
 (6) Ako ne primi prigovor u navedenom roku, Komisija predlaže Agenciji da registrira naziv i objavi ga u "Službenom glasniku BiH".

Član 34.

(Postupak po prigovoru)

- (1) Komisija iz člana 28. stav (2) ovog pravilnika rješava o prigovoru.
 (2) Ako Komisija utvrdi da prigovor ne ispunjava formalne uslove propisane članom 33. ovog pravilnika, prigovor se zaključkom odbacuje o čemu se obavještava podnositelj zahtjeva i podnositelj prigovora, te se postupak za registraciju nastavlja.
 (3) Ako prigovor ispunjava formalne uslove iz člana 33. ovog pravilnika, Komisija dostavlja prigovor s priloženim dokazima podnositoci zahtjeva za registraciju i poziva ga da u roku od 30 dana dostavi pisano izjašnjenje o prigovoru.
 (4) Rok za izjašnjavanje na prigovor može se, na zahtjev podnositoca zahtjeva za registraciju, iz opravdanih razloga produžiti najviše za još 30 dana.
 (5) Ako podnositelj zahtjeva za registraciju u propisanom roku ne dostavi izjašnjavanje na prigovor, donosi se rješenje o odbijanju zahtjeva za registraciju.

Član 35.

(Ispitivanje osnovanosti prigovora)

- (1) Ako se podnositelj zahtjeva za registraciju izjasni na podneseni prigovor, Komisija ispituje osnovanost prigovora u pogledu razloga zbog kojih je podnesen.
 (2) Ako je prigovor osnovan, Komisija poziva zainteresirane strane da učestvuju u odgovarajućim konsultacijama.
 (3) Ako zainteresirane strane postignu sporazum u roku od tri mjeseca od dana pozivanja, one obavještavaju Komisiju o svim faktorima koji su omogućili da sporazum bude postignut.
 (4) Ako objavljeni podaci u skladu s Aneksom X. nisu izmijenjeni ili su izmijenjeni neznatno, Komisija postupa u skladu s članom 33. stav (6) ovog pravilnika. U suprotnom, Komisija ponavlja postupak koji se navodi u članu 32. ovog pravilnika.

- (5) Kada je postupak koji se navodi u stavu (2) ovog člana završen, podnositelj šalje rezultate konsultacija Komisiji u roku od 30 dana koristeći obrazac Aneksa V. ovog pravilnika.
 (6) Ako nema dogovora, Komisija predlaže Agenciji daljnje postupanje u pogledu zahtjeva za registraciju uvažavajući mišljenje zainteresiranih strana.
 (7) Agencija donosi rješenje o odbijanju zahtjeva za registraciju oznake ako Komisija utvrdi da je prigovor osnovan i o tome obavještava zainteresirane strane.
 (8) Agencija donosi rješenje o odbijanju prigovora ako Komisija utvrdi da je prigovor neosnovan i o tome obavještava zainteresirane strane.

Član 36.

(Okončanje postupka i upis u Registar)

- (1) Na osnovu provedenog postupka za registraciju oznake i prijedloga Komisije, Agencija donosi rješenje o upisu u Registar garantirano tradicionalnih specijaliteta (u daljnjem tekstu: rješenje).
 (2) Oznaka se upisuje u Registar danom pravosnažnosti rješenja.
 (3) Registrirana oznaka objavljuje se u "Službenom glasniku BiH" i na web-stranici Agencije.
 (4) Svako zainteresirano lice može zatražiti od Agencije uvid u specifikaciju proizvoda kojem su priznata posebna svojstva i dodijeljena oznaka.

Član 37.

(Izmjene specifikacije)

- (1) Zahtjev za odobrenje izmijene specifikacije može podnijeti grupa s legitimnim interesom.
 (2) Zahtjevi za odobrenje veće izmijene specifikacije proizvoda za zaštićene oznake garantirano tradicionalnog specijaliteta sastavljaju se u skladu s obrascem iz Aneksa XI. prema zahtjevima iz člana 31. ovog pravilnika.
 (3) Izmijenjena specifikacija proizvoda sastavlja se u skladu s obrascem iz Aneksa IX. ovog pravilnika.
 (4) Ako predložene veće izmijene specifikacije uključuju jednu ili više izmjena, provodi se postupak utvrđen čl. 30, 31, 32, 33, 34. i 35. ovog pravilnika.
 (5) Zahtjev za odobrenje manje izmijene sastavlja se u skladu s obrascem iz Aneksa VII. ovog pravilnika.
 (6) Da bi se izmjena smatrala manjom u slučaju sistema kvaliteti zaštite oznaka garantirano tradicionalnog specijaliteta, potrebno je da:
 a) se ne odnosi na ključna obilježja proizvoda;
 b) ne uvodi važne promjene metoda proizvodnje; ili
 c) ne uključuje promjenu naziva ili bilo kojeg dijela naziva proizvoda.
 (7) Ako su predložene izmijene manje, Komisija odobrava ili odbija zahtjev, bez provođenja postupka iz stava (4) ovog člana.
 (8) Izmjena specifikacije objavljuje se u "Službenom glasniku BiH" i na web-stranici Agencije.

Član 38.

(Označavanje)

- (1) Samo proizvođači i/ili preradivači koji ispunjavaju uslove specifikacije i koji su upisani u Registar korisnika oznake iz člana 36. stav (2) ovog pravilnika mogu, pri označavanju, oglašavanju ili na drugoj dokumentaciji koja se odnosi na prehrambeni proizvod, navesti oznaku garantirano tradicionalnih specijaliteta.
 (2) Prehrambeni proizvodi iz stava (1) ovog člana pri označavanju moraju, pored registriranog naziva, imati vidljivu oznaku "garantirano tradicionalni specijalitet".

Član 39.

(Registar garantirano tradicionalnih specijaliteta)

Agencija uspostavlja i održava ažurirani javno dostupan registar garantirano tradicionalnih specijaliteta, priznatih prema ovom sistemu.

Član 40.

(Nazivi, znakovi i oznake)

- (1) Naziv registriran kao garantirano tradicionalni specijalitet može upotrebljavati svaki privredni subjekat koji stavlja na tržište proizvod koji je u skladu s odgovarajućom specifikacijom.
- (2) Pravilnikom o izgledu i načinu korištenja znaka oznake originalnosti, oznake geografskog porijekla i oznake tradicionalnog ugleda hrane ("Službeni glasnik BiH", broj 81/12) definirani su znakovi Bosne i Hercegovine kako bi informirali javnost o garantirano tradicionalnim specijalitetima.
- (3) Na etiketu proizvoda porijeklom iz Bosne i Hercegovine, koji se stavljuju na tržište kao garantirano tradicionalni specijaliteti registrirani u skladu s ovim pravilnikom, stavljaju se i pripadajući znak iz stava (2) ovog člana.
- (4) Naziv proizvoda treba da bude u istom vidnom polju. Oznaka garantirano tradicionalnog specijaliteta ili odgovarajuća skraćenica GTS može također biti na etiketi.
- (5) Prilikom označavanja garantirano tradicionalnih specijaliteta proizvedenih izvan Bosne i Hercegovine, upotreba znaka navedenog u stavu (2) ovog člana nije obavezna.

Član 41.

(Ograničenja upotrebe registriranih naziva)

Registrirani nazivi zaštićeni su od svake zloupotrebe, oponašanja ili podsjećanja i svakog drugog postupka koji bi mogao dovesti potrošača u zabludu.

DIO TREĆI - ZAJEDNIČKE ODREDBE**Poglavlje I.****UTVRDIVANJE USAGLAŠENOSTI I SLUŽBENE KONTROLE**

Član 42.

(Utvrđivanje usaglašenosti sa specifikacijom proizvoda)

- (1) Za zaštićene oznake porijekla, zaštićene oznake geografskog porijekla i garantirano tradicionalnog specijaliteta koje označavaju proizvode, provjeru usaglašenosti sa specifikacijom provodi jedno ili više kontrolnih tijela koja djeluju kao tijela za ocjenjivanje usaglašenosti za proizvode ovlaštena od Vijeća ministara Bosne i Hercegovine, na prijedlog Agencije.
- (2) Tijela za ocjenjivanje usaglašenosti iz drugih država moraju dostaviti dokaze na jednom od jezika u službenoj upotrebi u Bosni i Hercegovini da su akreditirana i ovlaštena za potvrđivanje usaglašenosti sa specifikacijom proizvoda i pisanim izjavom da će svi postupci i vođenje dokumentacije biti na jednom od jezika u službenoj upotrebi u Bosni i Hercegovini.
- (3) Tijela za ocjenjivanje usaglašenosti iz stava (1) ovog člana moraju akreditirati Institut za akreditaciju Bosne i Hercegovine ili drugo međunarodno tijelo ovlašteno za akreditaciju prema zahtjevima standarda BAS EN ISO/IEC 17065.
- (4) Tijela za ocjenjivanje usaglašenosti koja potvrđuju usklađenosć sa specifikacijom moraju ponuditi odgovarajuće garancije objektivnosti i nepristrasnosti te imati na raspolaganju sposobljene stručnjake i resurse potrebne za obavljanje potvrđivanja usaglašenosti sa specifikacijom.
- (5) Troškove utvrđivanja usaglašenosti snose podnosioci zahtjeva ili korisnici oznaka.

- (6) Lista ovlaštenih tijela za ocjenjivanje usaglašenosti objavljuje se u "Službenom glasniku BiH".

Član 43.

(Potvrđivanje usaglašenosti sa specifikacijom proizvoda)

- (1) Postupak potvrđivanja usaglašenosti sa specifikacijom proizvoda za zaštićene oznake porijekla, zaštićene oznake geografskog porijekla i garantirano tradicionalnog specijaliteta (u daljem tekstu: postupak potvrđivanja usaglašenosti) provodi se nakon donošenja rješenja o zaštiti naziva zaštićene oznake porijekla, zaštićene oznake geografskog porijekla i garantirano tradicionalnog specijaliteta, a provodi ga ovlašteno tijelo za ocjenjivanje usaglašenosti.
- (2) Postupak potvrđivanja usaglašenosti iz stava (1) ovog člana provodi se prema planu kontrole, koji izrađuje tijelo za ocjenjivanje usaglašenosti. Plan kontrole izrađuje se na osnovu specifikacije proizvoda za zaštićene oznake porijekla, zaštićene oznake geografskog porijekla i garantirano tradicionalnog specijaliteta i mora ga odobriti Agencija.
- (3) Odabranou tijelu za ocjenjivanje usaglašenosti obavezno je plan kontrole iz stava (2) ovog člana izraditi i dostaviti na odobravanje Agenciji u roku od 60 dana od dana donošenja rješenja o zaštiti naziva zaštićene oznake porijekla, zaštićene oznake geografskog porijekla i garantirano tradicionalnog specijaliteta.
- (4) Postupak iz stava (1) ovog člana pokreće se podnošenjem zahtjeva za potvrđivanje usaglašenosti sa specifikacijom ovlaštenom tijelu za ocjenjivanje usaglašenosti.
- (5) Zahtjev iz stava (4) ovog člana mora podnijeti svaki proizvođač proizvoda s nazivom zaštićenim kao zaštićena oznaka porijekla ili zaštićena oznaka geografskog porijekla ili garantirano tradicionalnog specijaliteta, odnosno korisnik oznake, kao i svaki učesnik u lancu proizvodnje, prerade i distribucije naveden u specifikaciji proizvoda.
- (6) Nakon završenog postupka potvrđivanja usaglašenosti tijelo za ocjenjivanje usaglašenosti daje potvrdu o usaglašenosti proizvoda sa specifikacijom (u daljem tekstu: potvrda o usaglašenosti) korisniku oznake te je, u roku od sedam dana od dana izdavanja, dostavlja Agenciji.
- (7) Potvrdu o usaglašenosti tijelo za ocjenjivanje usaglašenosti izdaje proizvođač iz stava (5) ovog člana koji je prošao postupak potvrđivanja usaglašenosti.
- (8) Agencija vodi evidencije iz stava (6) ovog člana u skladu s potvrdama o usaglašenosti koje je dostavilo tijelo za ocjenjivanje usaglašenosti.
- (9) Ako tijelo za ocjenjivanje usaglašenosti utvrdi da proizvođač iz stava (5) ovog člana kao i svaki učesnik u lancu proizvodnje, prerade i distribucije ne proizvodi proizvod u skladu sa specifikacijom proizvoda, odnosno utvrdi velike neusaglašenosti, o tome mora bez odgadanja obavijestiti Agenciju i nadležnu inspekciiju.

Član 44.

(Službena kontrola i inspekcijski nadzor)

Službenu kontrolu proizvodnje i prometa prehrabnenih proizvoda sa oznakama porijekla, geografskog porijekla i garantirano tradicionalnog specijaliteta hrane provode nadležni inspekcijski organi.

Član 45.

(Izuzevi)

- (1) U mjeri u kojoj porijeklo u cijelosti iz određenog geografskog područja nije moguće tehnički izvesti hrana za životinje porijeklom izvan tog područja može se dodati pod uslovom da ne utiče na kvalitet proizvoda ili njegove bitne karakteristike.

- (2) Hrana za životinje porijeklom izvan određenog geografskog područja u svakom slučaju ne prelazi 50 % suhe tvari na godišnjem nivou.
- (3) Sva ograničenja o porijeklu sirovina u specifikaciji samog proizvoda, čiji je naziv registriran kao zaštićena oznaka geografskog porijekla, opravdana su u odnosu na vezu iz člana 7. tačka f) alineja 2) ovog pravilnika.
- (4) Specifikacija proizvoda sa oznakom garantirano tradicionalnog specijaliteta iz člana 26. ovog pravilnika sažeta je i ne prelazi 5.000 riječi, osim u propisano opravdanim slučajevima.
- (5) Postupak utvrđen u čl. 11. do 16. i 31. do 36. ne primjenjuje se na izmjene koje se odnose na privremenu promjenu specifikacije proizvoda koja proizlazi iz uvođenja obveznih sanitarnih i fitosanitarnih mjera nadležnih organa ili u vezi s prirodnim katastrofama ili nepovoljnim vremenskim uslovima koje su službeno priznali nadležni organi. Te izmjene Agenciji se dostavljaju zajedno s njihovim razlozima najkasnije u roku od dvije sedmice nakon odobrenja. Privremene izmjene specifikacije proizvoda Agenciji dostavljaju nadležni organi za oblast poljoprivrede iz entiteta i/ili kantona i Brčko distrikta Bosne i Hercegovine u kome je udruženje registrirano. Nadležni organi u svakom saopštenju koje se odnosi na privremene izmjene dostavljaju dokaze o sanitarnim i fitosanitarnim mjerama i kopiju akta o priznavanju prirodne katastrofe ili nepovoljnih vremenskih uslova. Agencija objavljuje navedene izmjene. Obavještenje o privremenoj izmjeni podnosi se na obrascu iz Aneksa XII. ovog pravilnika.

Član 46.

(Nazivi upisani u registre)

- (1) Nazivi upisani u Registrar oznaka originalnosti i oznaka geografskog porijekla prije stupanja na snagu ovog pravilnika automatski se upisuju u Registrar iz člana 16. ovog pravilnika, te se postojeće specifikacije smatraju specifikacijama iz člana 7. ovog pravilnika.
- (2) Nazivi upisani u Registrar oznaka tradicionalnog ugleda prije stupanja na snagu ovog pravilnika automatski se upisuju u Registrar iz člana 36. ovog pravilnika, te se postojeće specifikacije smatraju specifikacijama iz člana 26. ovog pravilnika.

Član 47.

(Poništenje)

- (1) Na prijedlog Komisije, Agencija može, po službenoj dužnosti ili na zahtjev bilo kojeg fizičkog ili pravnog lica s legitimnim interesom koji se podnosi na obrascu iz Aneksa VIII. ovog pravilnika, poništiti zaštićene oznake porijekla, zaštićene oznake geografskog porijekla ili garantirano tradicionalnog specijaliteta u sljedećim slučajevima:
- kada nije osigurana uskladenost sa uslovima specifikacije;
 - kada najmanje sedam godina nijedan proizvod zaštićen oznakom garantirano tradicionalni specijalitet, zaštićen oznakom porijekla ili zaštićen oznakom geografskog porijekla nije stavljen na tržište.
- (2) Na prijedlog Komisije, Agencija može, na zahtjev proizvođača proizvoda koji se stavlja na tržište pod registriranim nazivom, poništiti odgovarajuću registraciju.
- (3) Agencija, na prijedlog Komisije, donosi rješenje o poništenju zaštite oznaka iz st. (1) i (2) ovog člana, na osnovu čega se one brišu iz Registra.

Poglavlje II.

IZUZECI ZA ODREĐENO PRETHODNO KORIŠTENJE

Član 48.

(Generički nazivi)

- (1) Pravilnik ne utiče na upotrebu generičkih naziva u Bosni i Hercegovini, čak i u slučaju da je generički naziv dio naziva koji je zaštićen prema sistemu kvaliteta.
- (2) Kako bi se utvrdilo da li je neki naziv postao generički ili nije, potrebno je voditi računa o svim važnim faktorima, a posebno o:
- postojećem stanju u područjima potrošnje;
 - propisima na snazi.

Član 49.

(Biljne sorte i životinske pasmine)

Ovaj pravilnik ne sprečava stavljanje na tržište proizvoda čija etiketa uključuje naziv ili izraz zaštićen ili rezerviran prema sistemu kvaliteta opisanom u Dijelu drugom ovog pravilnika koji sadrži ili uključuje naziv biljne sorte ili životinske pasmine, pod uslovom da:

- taj proizvod sastoji se ili je dobiven iz označene sorte ili pasmine;
- potrošači nisu dovedeni u zabludu;
- korištenje naziva sorte ili pasmine predstavlja pravednu tržišnu konkurenčiju;
- korištenje ne predstavlja iskorištavanje ugleda zaštićenog izraza; te
- za sisteme kvaliteta opisane u Dijelu drugom Poglavlje I. ovog pravilnika proizvodnja i stavljanje na tržište proizvoda su se proširili van područja iz kojeg potiče prije datuma podnošenja zahtjeva za registraciju oznake geografskog porijekla.

Član 50.

(Odnos u pogledu intelektualnog vlasništva)

Sistemi kvaliteta opisani u Dijelu drugom Poglavlje II. ovog pravilnika primjenjuju se ne dovodeći u pitanje važeće propise iz oblasti intelektualnog vlasništva u Bosni i Hercegovini, te posebno ona pravila koja se odnose na oznake porijekla, oznake geografskog porijekla i žigove, te prava dodijeljena prema tim važećim propisima.

DIO ČETVRTI - SISTEMI KVALITETA OZNAKA I ZNAKOVA TE ULOGA PROIZVOĐAČA

Član 51.

(Zaštita oznaka i znakova)

Oznake, skraćenice i znakovi koji se odnose na sisteme kvaliteta mogu se koristiti samo u vezi s proizvodima proizvedenim u skladu s pravilima o sistemima kvaliteta na koje se primjenjuju. To se posebno odnosi na sljedeće oznake, skraćenice i znakove:

- "zaštićena oznaka porijekla" "zaštićena oznaka geografskog porijekla", "oznaka geografskog porijekla", "ZOP", "ZOGP" i s njima povezani znakovi, kako je navedeno u Dijelu drugom Poglavlje I;
- "garantirano tradicionalni specijalitet", "GTS" i s njom povezani simbol, kako je navedeno u Dijelu drugom Poglavlje II.

Član 52.

(Uloga grupa)

Ne dovodeći u pitanje posebne propise o organizacijama proizvođača i međugranskim organizacijama, grupa ima pravo da:

- doprinosi tome da su kvalitet, ugled i autentičnost njihovih proizvoda garantirani na tržištu kontrolom upotrebe naziva u trgovini te, ako je potrebno,

- obavještava kontrolno tijelo iz člana 42. ovog pravilnika;
- b) preduzme mjere za osiguranje odgovarajuće pravne zaštite za zaštićene oznake porijekla ili zaštićene oznake geografskog porijekla i prava intelektualnog vlasništva koja su s njima direktno povezana;
 - c) razvija informative i reklamne djelatnosti usmjerene na obavještavanje potrošača o svojstvima koja proizvodu dodaju vrijednost;
 - d) razvija djelatnosti radi osiguranja usaglašenosti proizvoda s njegovom specifikacijom;
 - e) preduzme mjere za poboljšanje efikasnosti sistema, uključujući razvoj ekonomskog stručnog znanja, izradu ekonomskih analiza, širenje privrednih informacija o sistemu i savjetovanje proizvoda;
 - f) preduzme mjere za poboljšanje vrijednosti proizvoda te, kada je potrebno, preduzme korake za sprečavanje ili suzbijanje svih mjera koje su, ili bi mogle biti, kritične za narušavanje ugleda tih proizvoda.

Član 53.

(Право на кориштење система)

- (1) Neophodno je osigurati da svaki privredni subjekat koji je u skladu s pravilima sistema kvaliteta iz Dijela drugog poglavlja I. i II. ovog pravilnika ima pravo biti obuhvaćen provjerom usaglašenosti utvrđenom prema članu 42. ovog pravilnika.
- (2) Privredni subjekti koji pripremaju i skladište proizvod koji se stavlja na tržište kao dio sistema garantirano tradicionalnog specijaliteta, zaštićene oznake porijekla ili zaštićene oznake geografskog porijekla ili koji stavljuju te proizvode na tržište također podliježu kontrolama iz Dijela trećeg Poglavlja I. ovog pravilnika.
- (3) Neophodno je osigurati da su privredni subjekti koji su voljni da se pridržavaju pravila sistema kvaliteta iz Dijela drugog Poglavlja II. ovog pravilnika to i u mogućnosti, te

da se ne moraju suočavati s preprekama za učešće koje su diskriminirajuće ili na drugi način nisu objektivne.

Član 54.

(Naknade)

Troškove provođenja sistema utvrđivanja usaglašenosti kontrole uključujući one nastale prilikom zaprimanja zahtjeva za registraciju, prigovora, zahtjeva za izmjenama te zahtjeva za ponишtenje iz ovog pravilnika snosi proizvodac, odnosno prerađivač prehrambenog proizvoda.

DIO PETI - PRIJELAZNE I ZAVRŠNE ODREDBE**Član 55.**

(Prestanak važenja propisa)

Stupanjem na snagu ovog pravilnika prestaju da važe Pravilnik o oznakama originalnosti i oznakama geografskog porijekla hrane ("Službeni glasnik BiH", broj 27/10) i Pravilnik o tradicionalnom ugledu hrane ("Službeni glasnik BiH", broj 27/10).

Član 56.

(Pravni akti EU s kojima se vrši usklajivanje)

Ovim pravilnikom preuzimaju se odredbe Uredbe Komisije (EU) broj 1151/2012 od 21. 11. 2012. o sistemima kvaliteta za poljoprivredne i prehrambene proizvode i Provedbene uredbe Komisije (EU) br. 668/2014 od 13. 7. 2014. o utvrđivanju pravila za primjenu Uredbe (EU) br. 1151/2012 Evropskog parlamenta i Vijeća o sistemima kvaliteta za poljoprivredne i prehrambene proizvode.

Član 57.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenom glasniku BiH".

VM broj 232/18
7. novembra 2018. godine
Sarajevo

Predsjedavajući
Vijeća ministara BiH
Dr. **Denis Zvizdić**, s. r.

ANEKS I.**KATEGORIJE PROIZVODA****2. Proizvodi namijenjeni ishrani ljudi**

- Razred 1.1. Svježe meso (i nusproizvodi klanja),
- Razred 1.2. Mesni proizvodi (kuhani, soljeni, dimljeni itd.),
- Razred 1.3. Sirevi,
- Razred 1.4. Ostali proizvodi životinjskog porijekla (jaja, med, različiti mlijecni proizvodi osim maslaca itd.),
- Razred 1.5. Ulja i masnoće (maslac, margarin, ulje itd.),
- Razred 1.6. Voće, povrće i žitarice, u prirodnom stanju ili prerađeni,
- Razred 1.7. Svježa riba, mekušci i rakovi te proizvodi dobiveni od njih,
- Razred 1.8. Ostali proizvodi (začini itd.).

3. Drugi prehrambeni proizvodi**I. Oznake porijekla i oznake geografskog porijekla**

- Razred 2.1. Pivo,
- Razred 2.2. Čokolada i čokoladni proizvodi,
- Razred 2.3. Hljeb, fino pecivo, kolači, slatkiši, keksi i drugi pekarski proizvodi,
- Razred 2.4. Napici proizvedeni od biljnih ekstrakata,
- Razred 2.5. Tjestenina,
- Razred 2.6. So,
- Razred 2.7. Senf.

II. Garantirano tradicionalni specijalitet

- Razred 2.8. Gotovi obroci,
- Razred 2.9. Pivo,
- Razred 2.10. Čokolada i čokoladni proizvodi,
- Razred 2.11. Hljeb, fino pecivo, kolači, slatkiši, keksi i drugi pekarski proizvodi,
- Razred 2.12. Napici proizvedeni od biljnih ekstrakata,
- Razred 2.13. Tjestenina,
- Razred 2.14. So.

ANEKS II.

**ZАHTJEV ZA REGISTRACIJU NAZIVA PREHRAMBENOG PROIZVODA
ZAŠTIĆENOM
OZNAKOM PORIJEKLA ILI ZAŠTIĆENOM OZNAKOM
GEOGRAFSKOG PORIJEKLA**

1. NAZIV PREHRAMBENOG PROIZVODA
(za koji se traži zaštita naziva oznake):
2. OZNAKA ZA KOJU SE PODNOSI ZАHTJEV (staviti znak X):
 oznaka porijekla
 oznaka geografskog porijekla
3. PODACI O GRUPI – PODNOSIOCУ ZАHTJEVA:

Naziv grupe	
Pravni status grupe	
Broj članova grupe	
Adresa grupe	
Broj telefona, faks, e-mail	
Ime i prezime, adresa i broj telefona odgovornog lica grupe koja podnosi zahtjev	
Ime i prezime, adresa opunomoćenog lica koje zastupa grupu koja podnosi zahtjev	

4. PRILOZI UZ ZАHTJEV (označiti priloženo – staviti znak X):
 Kopija dokaza o registraciji grupe
 Izjava nadležnog tijela grupe o usvojenoj odluci o zaštiti naziva prehrambenih proizvoda zaštićenom oznakom porijekla ili zaštićenom oznakom geografskog porijekla
 Punomoć (dostaviti samo ako grupu zastupa ovlašteni zastupnik ili opunomoćenik, ovjerenu kod notara)
 Specifikacija proizvoda
 Jedinstveni dokument

Mjesto i datum:

Pečat i potpis odgovornog lica:

**ANEKS III.
JEDINSTVENI DOKUMENT**

[Upišite naziv kao u tački 1. u nastavku:] „...”
Broj za evidenciju Agencije za sigurnost hrane BiH

[Označite odabrano znakom „X”:]	<input type="checkbox"/> ZOP	<input type="checkbox"/> ZOGP
---------------------------------	------------------------------	-------------------------------

1. Naziv (nazivi) [ZOP-a ili ZOGP-a]

[Upišite naziv predložen za registraciju ili, u slučaju zahtjeva za odobrenje izmjene specifikacije proizvoda u skladu s članom 18. ovog pravilnika, registrirani naziv.]

2. Opis prehrambenog proizvoda**2.1. Vrsta proizvoda [vidjeti Aneks I. ovog pravilnika]****2.2. Opis proizvoda na koji se odnosi naziv iz tačke 1.**

[Glavni elementi iz člana 7. tačka b) ovog pravilnika. Za identifikaciju proizvoda koristite definicije i standarde koji se obično upotrebljavaju za taj proizvod. Pri opisivanju proizvoda usredotočite se na njegovu specifičnost i upotrebljavajte mjerne jedinice te uobičajene ili stručne elemente poređenja, ne navodeći tehničke karakteristike svojstvene svim proizvodima tog tipa ni pripadajuće obavezne pravne zahtjeve koji se primjenjuju na sve proizvode tog tipa]

2.3. Hrana za životinje (samo za proizvode životinjskog porijekla) i sirovine (samo za preradene proizvode)

[Za ZOO: potvrditi da hrana za životinje i sirovine potiču iz predmetnog područja. Ako hrana za životinje ili sirovine potiče izvan predmetnog područja, detaljno opišite te izuzetke i navedite obrazloženja. Ti izuzeci moraju biti usklađeni s pravilima donesenim u skladu s članom 45. ovog pravilnika.

Za ZOGP: Navedite sve zahtjeve u pogledu kvaliteta ili ograničenja u pogledu porijekla sirovina. Navedite obrazloženja za sva takva ograničenja. Ta ograničenja moraju biti usklađena s pravilima donesenim u skladu s članom 45. ovog pravilnika i moraju biti opravdana u odnosu na vezu iz člana 7. tačka f) ovog pravilnika.]

2.4. Posebni koraci u proizvodnji koji se moraju provesti u identificiranom geografskom području

[Navesti obrazloženja za sva ograničenja ili odstupanja.]

2.5. Posebna pravila za rezanje, ribanje, pakiranje itd. proizvoda na koji se odnosi registrirani naziv

[Ako ih nema, ostavite prazno. Za sva ograničenja navedite specifične razloge povezane s proizvodom.]

2.6. Posebna pravila za označavanje proizvoda na koji se odnosi registrirani naziv

[Ako ih nema, ostavite prazno. Za sva ograničenja navedite obrazloženje.]

3. Sažeta definicija geografskog

[Prema potrebi, umetnite kartu područja.]

4. Povezanost s geografskim područjem

[Za ZOP: uzročno-posljedična veza između kvaliteta ili svojstava proizvoda i geografskog okruženja, s prirodnim i ljudskim faktorima koji su mu svojstveni, uključujući, prema potrebi, elemente opisa proizvoda ili metode proizvodnje koji opravdavaju tu vezu.

Za ZOGP: uzročno-posljedična veza između geografskog porijekla i, prema potrebi, određenog kvaliteta, ugleda ili drugih svojstava proizvoda.

Izričito navedite na kojim se faktorima (ugled, određeni kvalitet, druga svojstva proizvoda) zasniva uzročno-posljedična veza te navedite podatke samo za relevantne faktore uključujući, prema potrebi, elemente opisa proizvoda ili metode proizvodnje koji opravdavaju tu vezu.]

ANEKS IV.**IZJAVA O PRIGOVORU**

[Označite odabrano znakom „X“:]	<input type="checkbox"/> ZOP	<input type="checkbox"/> ZOGP	<input type="checkbox"/> GTS
---------------------------------	------------------------------	-------------------------------	------------------------------

1. Naziv proizvoda

[kako je objavljen u „Službenom glasniku BiH“]

2. Službeno upućivanje

[kako je objavljeno u „Službenom glasniku BiH“]

Broj i datum objave u „Službenom glasniku BiH“....

3. Podaci za kontakt

Osoba za kontakt:	Titula (gosp., gđa...): ...	Ime: ...
-------------------	-----------------------------	----------

Grupa/organizacija/pojedinac: ...

Služba: ...

Adresa: ...

Telefon + ...

Adresa e- pošte: ...

4. Razlozi za prigovor:

Za ZOO ZOGP:

- Nepoštivanje uslova utvrđenih članom 4. stav (1) tač. k) i l) i st. (2) i (3) i članom 7. ovog pravilnika
- Registriranje naziva bilo bi u suprotnosti s članom 6. stav (2) ovog pravilnika (biljna sorta ili životinjska pasmina)
- Registriranje naziva bilo bi u suprotnosti s članom 6. st. (3) i (4) ovog pravilnika (naziv je potpuni ili djelimično homonim)
- Registriranje naziva bilo bi u suprotnosti s članom 6. stav (5) ovog pravilnika (postojeći žig)
- Registriranje bi ugrozilo opstanak naziva, žigova ili proizvoda kako je navedeno u članu 13. stav (2) tačka b) ovog pravilnika
- Naziv predložen za registriranje je generički; treba navesti podatke kako je propisano u članu 13. stav (2) tačka c) ovog pravilnika.

Za GTS:

- Nepoštivanje uslova utvrđenih članom 25. ovog pravilnika.
- Registriranje naziva ne bi bilo u skladu s članom 33. stav (3) tačka a) ovog pravilnika.
- Naziv predložen za registriranje zakonit je, poznat i ekonomski značajan za slične prehrambene proizvode (član 33. stav (3) tačka b) ovog pravilnika).

5. Pojedinosti o prigovoru

Navedite propisno potkrijepljene razloge i opravdanja za prigovor.

Pojasnite i legitimni interes za prigovor. Izjava prigovora trebala bi biti potpisana i označena datumom.

ANEKS V.**OBAVJEŠTENJE O ZAVRŠETKU SAVJETOVANJA NAKON POSTUPKA PRIGOVORA**

[Označite odabrano znakom „X“:]	<input type="checkbox"/> ZOP	<input type="checkbox"/> ZOGP	<input type="checkbox"/> GTS
---------------------------------	------------------------------	-------------------------------	------------------------------

1. Naziv proizvoda

[kako je objavljen u „Službenom glasniku BiH“]

2. Službeno upućivanje [kako je objavljeno u „Službenom glasniku BiH“]

Broj i datum objave u „Službenom glasniku BiH“: ...

3. Rezultati savjetovanja3.1. *Dogovor je postignut sa sljedećim podnosiocem (podnosiocima) prigovora:*

[priložiti kopiju dokumenta kojim se dokazuje da je postignut dogovor i sve faktore koji su omogućili dogovor]

3.2. *Dogovor nije postignut sa sljedećim podnosiocem (podnosiocima) prigovora:*

[obrazložiti razloge za nepostizanje dogovora]

4. Specifikacija proizvoda i jedinstveni dokument4.1. *Specifikacija proizvoda izmijenjena je:*

[... Da ⁽¹⁾]	[... Ne]
--------------------------	----------

(¹) Ako „Da”, priložite opis izmjena i izmijenjenu specifikaciju proizvoda.4.2. *Jedinstveni dokument izmijenjen je (samo za ZOO i ZOGP):*

[... Da ⁽²⁾]	[... Ne]
--------------------------	----------

(²) Ako „Da”, priložite kopiju izmijenjenog dokumenta.**5. Datum i potpis**

[Ime:]

[Služba/organizacija:]

[Adresa]

[Telefon:+]

[Adresa e-pošte:]

ANEKS VI.**ЗАHTЈЕВ ЗА ОДОБРЕЊЕ ВЕЋЕ ИЗМЈЕНЕ СPECIFIКАЦИЈЕ PROIZVODA ЗА
ЗАШТИЋЕNU OZNAKU PORIJEKLA/ЗАШТИЋЕNU OZNAKU GEOGRAFSKOG
PORIJEKLA**

[Registrirani naziv] „...”

Broj za evidenciju Agencije za sigurnost hrane BiH

[Označite odabrano znakom „X”:]	<input type="checkbox"/> ZOP	<input type="checkbox"/> ZOGP
---------------------------------	------------------------------	-------------------------------

1. Grupa koja podnosi zahtjev i legitimni interes

[Navedite naziv, adresu, telefon i e-mail adresu grupe koja predlaže izmjenu. Dostavite i izjavu u kojoj se objašnjava legitimni interes grupe koja podnosi zahtjev]

2. Rubrika specifikacije proizvoda na koju se primjenjuje izmjena

- Naziv proizvoda
- Opis proizvoda
- Geografsko područje
- Dokaz porijekla
- Metoda proizvodnje
- Veza
- Označavanje
- Ostalo [treba navesti]

3. Vrsta izmjene (izmjene)

- Izmjena specifikacije proizvoda registriranog ZOP-a ili ZOGP-a koja se ne može smatrati manjom izmjenom u skladu s članom 18. stav (6) ovog pravilnika.
- Izmjena specifikacije proizvoda registriranog ZOP-a ili ZOGP-a za koji nije objavljen jedinstveni dokument (ili ekvivalentan dokument) koja se ne može smatrati manjom izmjenom.

4. Izmjena (izmjene)

[Za svaku rubriku označenu u prethodno navedenom odjeljku 2. navedite detaljan opis i posebne razloge za svaku izmjenu. Za svaku izmjenu moraju se detaljno uporediti originalna specifikacija proizvoda i, prema potrebi, originalni jedinstveni dokument s predloženim izmijenjenim verzijama. Zahtjev za izmjenu mora biti dovoljan sam po sebi. Informacije navedene u ovom odjeljku moraju biti sveobuhvatne.]

**ANEKS VII.
ЗАХТЈЕВ ЗА ОДОБРЕЊЕ МАНЈЕ ИЗМЈЕНЕ**

Захтјев за одобрење мање измене саставља се у складу с одредбама члана 18. и члана 37. овог правилника.

[Регистрирани назив] „...”

Број за евиденцију Агенције за сигурност хране БиХ

[Означите одабрано знаком „X”:]	<input type="checkbox"/> ZOP	<input type="checkbox"/> ZOGP	<input type="checkbox"/> GTS
---------------------------------	------------------------------	-------------------------------	------------------------------

1. Група која подноси захтјев и легитимни интерес

[Наведите назив, адресу, телефон и e-mail адресу групе која предлаže измену. Доставите и изјаву у којој се објашњава легитимни интерес групе која подноси захтјев.]

2. Рубрика спецификације производа на коју се примјењује измена

- Опис производа
- Доказ поријекла
- Метода производње
- Веза
- Означавање
- Остало [треба навести]

3. Врста измене (измена)

- Измена спецификације производа регистрираног ZOP-а или ZOGP-а која се може сматрати мањом изменом.
- Измена спецификације производа регистрираног ZOP-а или ZOGP-а која се може сматрати мањом изменом.
- Измена спецификације производа регистрираног ZOP-а или ZOGP-а која се може сматрати мањом изменом.
- Измена спецификације производа регистрираног GTS-а која се може сматрати мањом изменом.

4. Измена (измене)

[За сваку рубрику означену у претходно наведеном одјелјку наведите опис и сајетак разлога за сваку измену. За сваку измену морaju се детаљно упоредити оригинална спецификација производа i, према потреби, оригинални јединствени документ с предложеним изменjenim верзијама. Наведите и јасно обrazloženje зашто се измена може сматрати мањом изменом. Заhtјев за мањом изменом мора бити довољан сам по себи.

ANEKS VIII.**ZАHTJEV ZA PONIŠTENJE**

Zahtjev za poništenje u skladu s članom 47. stav (1) ovog pravilnika

[Registrirani naziv:] „...”

EU br.: [samo za upotrebu u EU]

[Označite odabrano znakom „X”:]	<input type="checkbox"/> ZOGP	<input type="checkbox"/> ZOP	<input type="checkbox"/> GTS
---------------------------------	-------------------------------	------------------------------	------------------------------

1. Registrirani naziv čije se poništenje predlaže

...

2. Vrsta proizvoda [kao u Prilogu XI.]

...

3. Lice ili tijelo koje podnosi zahtjev za poništenje

[Navedite naziv, adresu, telefon i e-mail adresu fizičkog ili pravnog lica ili proizvođača iz člana 47. stav (1) ovog pravilnika koji zahtijevaju poništenje. Dostavite i izjavu u kojoj se objašnjava pravovaljani interes fizičkog ili pravnog lica koje podnosi zahtjev za poništenje.]

...

4. Vrsta poništenja i razlozi

U skladu s članom 47. stav (1) ovog pravilnika

tačka a)

[Navedite detaljne razloge i, gdje je to primjereno, dokaze za poništenje registracije naziva u skladu s članom 47. stav (1) tačka a) ovog pravilnika.]

tačka b)

[Navedite detaljne razloge i, gdje je to primjereno, dokaze za poništenje registracije naziva u skladu s članom 47. stav (1) tačka b) ovog pravilnika.]

U skladu s članom 47. stav (2) ovog pravilnika

[Navedite detaljne razloge i, gdje je to primjereno, dokaze za poništenje registracije naziva u skladu s članom 47. stav (2) ovog pravilnika.]

ANEKS IX.**SPECIFIKACIJA PROIZVODA SA OZNAKOM GARANTIRANO TRADICIONALNOG SPECIJALITETA**

[Upišite naziv kao u tački 1. u nastavku:] „”

Broj za evidenciju Agencije za sigurnost hrane BiH

1. Naziv (nazivi) koje je potrebno upisati u registar

...

2. Vrsta proizvoda [kao u Aneksu I. ovog pravilnika]

...

3. Razlozi za registraciju**3.1. Proizvod:**

- je rezultat načina proizvodnje, prerade ili sastava odgovarajućeg tradicionalnog postupka za taj proizvod ili prehrambeni proizvod
- se proizvodi od sirovina ili sastojaka koji se tradicionalno koriste

[Navedite objašnjenje]

3.2. Naziv:

- tradicionalno se koristi za označavanje specifičnog proizvoda
- opisuje tradicionalna svojstva ili specifična svojstva proizvoda

[Navedite objašnjenje]

4. Opis

4.1. *Opis proizvoda na koji se odnosi naziv iz tačke 1, uključujući njegova glavna fizikalna, hemijska, mikrobiološka i organoleptička svojstva koja dokazuju njegov specifičan karakter*

...

4.2. *Opis metode proizvodnje proizvoda na koji se odnosi naziv iz tačke 1, uključujući, gdje je to prikladno, prirodu i svojstva upotrijebljenih sirovina ili sastojaka i metodu pripreme proizvoda*

...

4.3. *Opis ključnih elemenata koji određuju tradicionalna svojstva proizvoda*

U opisu proizvoda kao garantirano tradicionalnog specijaliteta iz člana 26. stav (1) tačke b) ovog pravilnika navode se samo svojstva potrebna za identifikaciju proizvoda i njegovih specifičnih svojstava. U njemu se ne ponavljaju opće obaveze, posebno ne tehničke karakteristike svojstvene svim proizvodima tog tipa ni pripadajući obvezni pravni zahtjevi.

Opis metode proizvodnje iz člana 26. stav (1) tačke c) ovog pravilnika odnosi se samo na metodu proizvodnje koja se trenutno primjenjuje. Tradicionalni postupci navode se samo ako se još uvijek primjenjuju. Opisuje se samo metoda koja je potrebna za dobivanje posebnog proizvoda, na način koji omogućuje reprodukciju proizvoda bilo gdje.

Ključni elementi koji dokazuju tradicionalni karakter proizvoda uključuju glavne elemente koji su ostali nepromijenjeni, s preciznim i dobro utemeljenim upućivanjima.

ANEKS X.**ZAHTJEV ZA GARANTIRANO TRADICIONALNI SPECIJALITET**

Naziv grupe	
Pravni status grupe	
Broj članova grupe	
Adresa grupe	
Broj telefona, faks, e-mail	
Ime i prezime, adresa i broj telefona odgovornog lica grupe koja podnosi zahtjev	
Ime i prezime, adresa opunomoćenog lica koje zastupa grupu koja podnosi zahtjev	

PRILOZI UZ ZAHTJEV (označiti priloženo – staviti križić X):

- Kopija dokaza o registraciji grupe
- Izjavu nadležnog organa grupe o usvojenoj odluci o zaštiti
naziva prehrambenih proizvoda garantirano
tradicionalnog specijaliteta
- Punomoć (dostaviti samo ako grupu zastupa ovlašteni zastupnik
ili opunomoćenik, ovjerenu kod notara)
- Specifikacija proizvoda

Mjesto i datum:

Pečat i potpis odgovornog lica

ANEKS XI.**ЗАHTЈEV ЗА ОDOBRENJE ВЕЋЕ IZMJENE SPECIFIKACIJE PROIZVODA SA OZNAKOM GARANTIRANO TRADICIONALNOG SPECIJALITETA**

Zahtjev za odobrenje veće izmjene sastavlja se u skladu s odredbama člana 37. ovog pravilnika.

[Registrirani naziv] „”

Broj za evidenciju Agencije za sigurnost hrane BiH

1. Grupa koja podnosi zahtjev i legitimni interes

Naziv grupe

Adresa

Telefon: +

Adresa e-pošte:

Dostavite izjavu u kojoj se objašnjava legitimni interes grupe koja predlaže izmjenu.

2. Rubrika specifikacije proizvoda na koju se primjenjuje izmjena

- Naziv proizvoda
- Opis proizvoda
- Metoda proizvodnje
- Ostalo [treba navesti]

3. Vrsta izmjene (izmjena)

- Izmjena specifikacije proizvoda registriranog GTS-a koja se ne može smatrati manjom izmjenom u skladu sa članom 37. stav (6) ovog Pravilnika.

4. Izmjena (izmjene)

[Za svaku rubriku označenu u prethodno navedenom odjeljku 2. navedite iscrpan opis i posebne razloge za svaku izmjenu. Za svaku se izmjenu izvorna specifikacija proizvoda mora detaljno usporediti s predloženom izmijenjenom verzijom. Zahtjev za izmjenu mora biti samodostatan. Informacije navedene u ovom odjeljku moraju biti sveobuhvatne.]

ANEKS XII.**OBAVIJEST O PRIVREMENOJ IZMJENI**

Obavijest o privremenoj izmjeni u skladu s članom 45. stav (5). ovog Pravilnika
[Registrirani naziv] „”

Broj za evidenciju Agencije za sigurnost hrane BiH

[Označite odabrano znakom „X”:]

ZOP

ZOGP

GTS

1. Izmjena (izmjene)

[Navedite rubriku specifikacije proizvoda na koju se primjenjuje izmjena. Navedite detaljan opis i razloge za svaku odobrenu privremenu izmjenu, uključujući opis i ocjenu posljedica te izmjene na zahtjeve i kriterije koje proizvodi moraju ispunjavati u okviru sistema kvalitete (član 4. stav (1) tač. k) i l) i član 25. st (1) i (2) ovog Pravilnika za ZOP, ZOGP odnosno GTS). Navedite i detaljan opis mjera koje opravdavaju privremene izmjene (sanitarne i fitosanitarne mjere, formalno priznanje prirodnih katastrofa ili nepovoljnih vremenskih uslova itd.) te razloge zbog kojih su te mjere poduzete. Opišite i odnos između tih mjer i odobrene privremene izmjene.]